

مونولوجات مسرحية القوة تنبع من الداخل



أمانى سليمان

إعداد

مونولوجات مسرحية

القوة تتبع من الداخل

فكرة و إعداد

أمني سليمان

بداية أتوجه بالشكر

لجميع الرسامين على هذه الصور الرائعة

القوة تتبع من الداخل

١-تأثير الحصان البري

٢-صندوق الريح

٣-بئر الصوت الضائع

٤-الفانوس في الضباب

٥-زمان

إعداد

مونولوج

أفاني سليمان

تأثير الحصان البري



مونولوج

تأثير الحصان البري

الفكرة : مفهوم في علم النفس

إعداد : أمانى سليمان

الأحصنة البرية الي تعيش بسهول افريقيا الواسعة

تفقد توازنها كثير لو عضها خفاش

تصير بحالة هلع و توتر كبير

و لحتى تهرب من العضة تضل تركض و تركض

بدون توقف لحد ما تنهك و توقع من التعب

بس الحقيقة أنو كمية الدم الي أخذها الخفاش قليلة جداً

و مستحيل تأذي الحصان

المفارقة في الحادثة أنو الي يدمر الحصان مو العضة

إنما ردة فعله الزائدة تخليه ينهار

و يدخل دوامات من التفكير و الأسئلة

ليش عضني ؟

شو قصده ؟

و شو رح يصير ؟

يضل الخوف يكبر و يكبر

لحتى يصير الخوف أشد من العضة نفسها

و هيك البشر تماماً

مو كل حدث يهزك

بس ردة فعلك ممكن تنسفك نسف من جوا

الأشخاص المتعودين يعصبو بشكل هستيري

من كل شغلة تافهة يعملو مشكلة

و يخلقو توتر جنوني من لا شيء

ناسيين انو الحياة ١٠ % شو يصير معك

و ٩٠ % شلون تتعامل و شلون تكون ردة فعلك

أغلب الازمات تبدأ لما نفقد السيطرة على مشاعرنا

السفينة ما تغرق من المي الي حواليتها

تغرق من المي الي تدخل جواتها

لو كان البحر كلو حواليتها ما يغرقها

المرى الى داخلها هى الى تغرقها

لا تنسى أنو ردود أفعالك هى الى ترسم

شخصيتك محيطك حياتك

الضرر الحقيقى يجرى من داخلك

من أفكارنا الى نتركها تركض بدون لجام

و من الخوف الى نخليه يعضنا الف مرة

بعد ما خلصت العضة الاصلية

مو كل ضربة تأذيك

أحياناً تتأذى من الطريقة الى استقبلت فيها الضربة

لهيك لازم تغير طريقة تفكيرك

من السؤال الى كلنا نسألو

ليش عم يصير معى هيك ؟

لسؤال آخر مختلف تماماً

شو ممكن أتعلم من الي عم يصير معي ؟

هون تنقلب الموازين

تفكيرك بالأول بيخليك ضحية

تفكيرك بالثاني بيخليك محارب

الفكرة أنو الحياة ما عم تعاقبك على شي

هي عم تجهزك أو بالأصح عم تعلمك

أول ما تشوف الصعوبة و القسوة كأنها معلم

بيصير كل جرح تتلقاه حكمة

و كل درس و كل عثرة بتصير خبرة

بتصير سلاح

هيك عقلية الانسان بتتطور



فونولوج

صندوق الريح

إعداد

أفاني سليمان

مونولوج

صندوق الريح

إعداد

أمانى سليمان

يقولون أنو لكل واحد فينا صندوق

بس مو صندوق أسرار

ولا صندوق ذكريات

شي أشبه بالصندوق الأسود الي بالطائرات

صندوق الكوارث

هالصندوق أسمو صندوق الريح

مو أي حدا يقدر يفتحو

مو لأنو مسحور لالالالالالالالالالالال

بس لأنو يفتح لما قلبك يسكر

أنا ما كنت آمن فيه كنت أضحك لما يقولو

يفتح لما يسكر قلبك ما كنت أفهم شو يعني هالحكي

لحد الليلة الي كنت فيها ساكتة

ساكتة أكثر من اللازم

و أنا أعرف لما يسكت الصوت الي جواتي

ما يسكت لأنو هادي يسكت لأنو مليون كلام

و فجأة حسيت بريح باردة من تحت الباب

مو ريح من الخارج لااااا

ريح تشبه انفاسي يوم خبيت الحقيقة عن نفسي

اللحظة الي هربت منها كثير أجت

حان موعدنا و انفتح الصندوق

فتح بدون ما ألمسو و بدون ما أسأل

طلع منو هوا خفيف بس مو هوا عادي

كان يشبه صوتي صوت كل كلمة ما قلتها

و كل جرح ما اعترفت فيه

و وجع حلفت كثير أنو ما يهم عادي

الريح عدت وجهي و أحس أنها شالت شي من صدري

و رمتو قدامي بدون رحمة

و أخيراً عرفت أنو أخطر شي بالحياة

مو الي يصير معنا المعارك الي تصير جواتنا

الريح ما كانت جديدة كانت موجودة و محبوسة من زمان

يمكن الصندوق ما أجا لحتى يكشف سري

أجا لحتى يقولي سرك هو الي عم يكشفك

يجردك من الكبرياء و يعريك أمام نفسك

بعد ما كبّل الأنا الي تمنعك من الاعتراف لذاتك

الأنا الي كبرت المشكلة

و كبرت الفجوة بينك و بين نفسك

لهيك من الضروري نفهم

أنو الشفافية مو أنك تكون صادق و تواجه الاخرين بس

الشفافية أنك تكون صادق مع نفسك كمان

و تواجه مشاكلك من مخاوف و وسوسة

هالوسوسة تقتلك بسمها عالبطيء بدون ما تشعر

بعدها رح تتحلى بالقوة

الى تقدر تواجه فيها مصاعب الحياة

بشجاعة ما عهدتها قبل داخلك

A woman wearing a white headscarf, a white long-sleeved shirt, and a black apron is leaning over a stone well. She is using a traditional wooden bucket to draw water. The well is made of stacked stones and has a wooden frame around it. The background is a blurred outdoor setting with trees and a stone wall.

مونولوج بئر الصوت الضائع

إعداد
أحادي سليمان

مونولوج

بئر الصوت الضائع

إعداد أمانى سليمان

يقولون في تحت الأرض بئر قديم

يسمونه بئر الصوت الضائع مو لأن الناس تصرخ فيه

لأنو يحتفظ بالأصوات الي ما طلعت منو

كل كلمة ترددت تحكيها

كلمة (أحتاجك) بلعتها و ما قلتها

كلمة (انجرحتو) خبيتها تحت لسانك ما تعدت حاجز شفافك

كل هدول ينزلو لحالهم بالبئر

الغريب أنو البئر مو يرجعك صوتك كصوت

يرجعو كحدث

تستكين يوم كامل فجأة بدون سبب

هذا صوت قديم رجلك

تحس بغصة من ولا شي

هاد صدى جملة بلعتها من زمان

تنجرح من كلمة بسيطة مو الكلمة الي جرحتك

الي جرحك هو صوت قديم صحي داخلك

خطورة البير أنو مو ينشف يضل يجمع

و كل ما جمع أكثر كل ما رجلك كل شي

على شكل وجع مو مفهوم

تشعر أنو في وخزة بقلبك

تسمع انين روحك تشعر أنها عليلة

يقولوا انو الناس الي ترتاح ارواحهم

و الناس الي وصلوا للسلام النفسي الداخلي

حياتهم وردية و ما فيها مشاكل لا غلط متلن متلنا

بس الفكرة أنو مو يسمحوا للاصوات تضيع جواتهم

يعبرو عنها فوراً

لهيك كثير مهم أنك تحكي الكلام الي بقلبك

تعبر عن كلشي تشعر فيه بذات اللحظة لا تأجل

لا تخبي كلمة اشتقتكأو كلمة وجعتني

اطرد هالكلمات بوقتها

لحتى ما ترجع تحتك بلحظة ضعف

تداهمك فجأة و تصدر حكم الإعدام بحق احساسك

لأنك ما كنت شجاع لحظتها و ما اعترفت

عرفتو و فهمتو أنو الشي الي مو نقولو مو يموت يضل حي

يتربح اللحظة المناسبة علشان يرجعنا

بهئية شبح يطاردنا لحتى نتعلم

أنو ما لازم نخاف من الكلام لازم نخاف من الصمت

A young girl with dark hair, wearing a white dress, stands in the center of a dark, dense forest. She is holding a glowing, warm-toned lantern in her hands, which illuminates the surrounding area. Tall, slender tree trunks are visible on either side of her, and the forest floor is covered in fallen leaves and small plants. The overall atmosphere is mysterious and magical.

مونولوج الغانوس في الضباب

إعداد

أحادي سليمان

مونولوج

الْفَانُوسُ فِي الضَّبَابِ

إعداد

أَمَانِي سَلِيمَان

الضباب يحيط بي من كل جانب

أحياناً أشعر أن كل شيء ضائع

و أن الطريق مفقود

الجميع يسألون كيف تعرف أي اتجاه تسلك ؟

لكن الفانوس

الفانوس لا يضيء كل الطريق

لا يظهر كل التفاصيل لا يجعل كل شيء واضح

يضيء خطوة واحدة خطوة صغيرة فقط

لكن تلك الخطوة كافية لأن أتحرك

لأعرف أين أضع قدمي

حتى لو لم أعرف نهاية الطريق

الفانوس يعلمني أن المضي قدماً

مهم أكثر من معرفة النهاية

المتعة في الطريق لا في الوصول إلى الوجهة

هكذا هم البشر

من المهد إلى اللحد

و ما بينهما رحلة أو طريق يدعى الحياة

ليس المهم الوصول للحد

فالوصول إليه حتمي لا محالة

إنما المهم أن نعيش الحياة التي نريد

الاستمتاع في الرحلة مهم

بعد أن أدركت أن الحياة رحلة

الضباب لا يختفي و لا الرياح تتوقف

نحن الفانوس و الضوء نحملة داخلنا

(الأخلاق و المبادئ و القيم و الإيمان)

إننا أن يكون هذا الضوء نور ينير دربنا

أو نار يحرقنا و يحرق من حولنا

هذا الضوء حتى و إن كان صغيراً

يكفي ليحول الخوف لثقة

و الارتباك إلى اتجاه

و الشك ليقين

(تبسم ترفع الفانوس)

تخيل السفينة وسط البحر

الموج عاليالضباب يلتف حولها

لكن مصباح صغير على الجسر

يكفي ليعرف القبطان الخطوة التي يخطوها ليوصل الرحلة

خطوة ... خطوة دون أن نغرق في بحر الظلام

الدرس هنا ليس في وضوح الطريق

و لا في غياب الضباب

هو الخطوة الواحدة التي نضيئها بأنفسنا

خطوة صغيرة لكنها تثبت لنا أننا نتحرك نحو الصواب

أننا نختار أنفسنا

أننا لسنا ضائعين

A photograph of a cluttered, dimly lit room, possibly a shrine or a small shop. In the center, a vintage television set sits on a shelf. To its left is a rotary telephone. Above the TV, a large metal pot hangs. To the right, a large metal pot sits on a stand. In the foreground, a glowing lantern with heart-shaped cutouts is visible. The background is filled with various other objects, including a framed picture and a small shrine-like structure.

فونولوج

زفان

أغانی سلیمان

مونولوج

تأليف أمانى سليمان



المونولوج : هذا المصطلح يطلق على نوع من المسرح

مصدر الكلمة يوناني مونو يعني أحادي

لوجوس تعني خطاب

نعني به شخصاً وحيداً يقف على خشبة المسرح

و يقدم قطعة صغيرة

كنا سوا و كانت الأيام تجمعنا

كبرنا ع المحبة الي كللت عثرتنا

كنا سند لبعض و كان الهم يخاف يقرب صوبنا

زمان كان الهم يحسبنا حساب

هلا نحن نحسبلو الف حساب نخاف و نهرب و هو يلحقنا

كانت أيماننا محسوبة ألنا و هلا أيماننا محسوبة علينا

كنا نعيشها و هلا هي تعيشنا

كنا نلعب و نضحك تينقضي النهار

هلا النهار يلعب فينا و يضحك علينا

زمان جمعتنا كانت محبة هلا جمعتنا صارت مصلحة

كنا سيوف بضهر بعض هلا سيوف على بعض

أول الي يقع الكل يوقفو جنبو هلا الي يقع تكثر سكاكينو

زمان حتى الأيام كان الها طعمة و نكهة

هلا تركض و مو نحس فيها

و مو نشوف من طعمتا غير المرار!!!!!!

أين كنا و أين صرنا ؟

كنا عيلة نقعد و نجتمع هلا كل واحد فينا ببلد

قبل كنا صادقين هلا نمثل الصدق على بعض

كانو رفقاتنا حوالينا

بس هلا رفقاتنا الي بعيد و الي مفقود و الي ميت

ما بقى نعرف أخبار بعض

بزمن كثر فيو مواقع التواصل الاجتماعي

ايش هالتناقض ؟؟؟؟؟

أول الام و الاب كانوا يفتخروا فين ولادن



هلا للأسف صارو الولاد يخجلو من أهلىن بلا سبب

قال بريستيچ (باستهزاء)

الله يلعن أبو البريستيچ الي يجرح مشاعر أمي و أبوي

أول كان الأخ سند هلا الأخ بغير بلد

كان الحبيب وفي و صادق هلا خاين و يتسلى

صديقنا كان لوقت ضيقنا

هلا الصديق الي يحطنا بالضيق مع سبق الإصرار و الترصد

أيش صار و هيك صرنا ؟

منة الي غيرنا؟

أيش شربنا و سمم أخلاقنا و قتل طيبتنا ؟؟؟؟

أينا دوا قسى قلوبنا خلانا ن ظلم بلا ضمير ؟

شلون قتلوا المشاعر فينا و خلونا مو نحس ببعض ؟

